

2

REPUBLIKA E KOSOVES REPUBLIKA KOSOVA REPUBLIC OF KOSOVO	
AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep. Dep.	D-P
Nr. Prot Br. Prot	03-4468/11
Nr. Itaq Proj. stranca No. pages	03-4468/11
Dita Datum Date	14.11.2011
PRISHTINE	

GJL.Nr.1311/2011

GJYKATA E LARTË E KUNDËRVAJTJES NË PRISHTINË, në kolegjin e përbërë nga gjyqtarët: Ramiz Kuqi kryetar, Dalip Bega dhe Ragip Namani, anëtarë, me pjesëmarrjen e sek.juridike Sanije Salihu, duke vendosur sipas ankesës të paraqitur nga i pandehuri Gani Mehmetaj nga Prishtina, kundër aktvendimit të Gjykatës Komunale për Kundërvajtje në Prishtinë, Regj.I.nr.24888/11 të dt. 14.10.2011, në bazë të nenit 39, al.3, dhe 221 të Ligjit mbi Kundërvajtjet, më 01.11.2011, mori

AKTVENDIM

Ankesa e paraqitur është pjesërisht e bazuar.

NDRYSHOHET aktvendimi i goditur ashtu që i pandehuri Gani Mehmetaj për kundërvajtje të kryer nga neni 16 par.1.1 të Ligjit për deklarimin, prejardhjen dhe kontrollin e pasurisë dhe të dhuratave të zyrtare të lartë publik, dënohet me 500 Euro.

Dënimin e shqiptuar i pandehuri është i obliguar që ta paguaj në afat prej 15 dite nga dita e marrjes së këtij aktvendimi e në të kundërtën do ti zëvendësohet me dënim burgu në kohëzgjatje prej 30 ditësh.

Nga një kopje të këtij aktvendimi duhet dorëzuar palëve.

Arsyetim

Gjykata Komunale për Kundërvajtje në Prishtinë, me aktvendimin Regj.I.nr.24888/11 të dt. 14.10.2011, ka shpall përgjegjës të pandehurin Gani Mehmetaj nga Prishtina, sepse si zyrtar i lartë drejtor i Kosova-Filmit në Prishtinë, nuk e ka bërë deklarimin e pasurisë pranë Agjencionit kundër korrupsionit në afatin e caktua ligjor edhe pse ka qenë i njoftuar se është përfshirë në listën e zyrtarëve të Ministrisë së Kulturës, Rinisë dhe Sporteve, të cilët janë të obliguar ta deklarojnë pasurinë, me çreprim ka kryer kundërvajtje nga neni 6 pika 2 lidhur me nenin 16 par.1 pika 2 të Ligjit për deklarimin, prejardhjen dhe kontrollin e pasurisë dhe të dhuratave të zyrtarëve të lartë publik, për të cilën kundërvajtje të pandehurit i është shqiptuar dënimi me gjobë në shumë prej 800 Euro. Me të njëjtin aktvendim i pandehuri është i obliguar që në emër të paushallit gjyqësor të paguaj 5 Euro.

Kundër këtij aktvendimi i pandehuri Gani Mehmetaj, ka paraqitur ankesë: për shkak të: shkeljeve procedurale të dispozitave kundërvajtëse, vërtetimit të gabuar dhe jo të plotë të gjendjes faktike, aplikimit të gabuar të drejtës materiale dhe vendimit mbi dënimin e shqiptuar, ashtu siç rrjedh nga përmbajtja e ankesës. Thekson se për vitin për të cilin ngarkohet nuk e ka paraqitur pasurinë nga shkaku se nuk ka pasur kurfar ndryshime dhe nuk ka qenë i njoftuar me kohë, se pasurinë e kamë paraqitur edhe vitin e kaluar dhe gjendja nuk i ka ndryshuar. Më pastaj thekson se gjoba e shqiptuar është tepër e lartë dhe rrezikon mbajtjen e familjes me një pagë mujore prej 401 Euro, nga të cilat 250 janë kredi për shtëpi dhe paime shtëpiake dhe se është hera e parë që ndeshet me Ligjin e asnjëherë nuk ka qenë i dënuar. Andaj ka propozuar që aktvendimi i goditur të abrogohet dhe lënda të kthehet në rishqyrtim ose të ndryshohet e ai të lirohet nga gjoba e shqiptuar.

Kolegji i kësaj gjykate vlerësoi thëniet në ankesën e paraqitur, aktvendimin e goditur, deklarimin e dhënë të pandehurit në seancën shqyrtimit kryesor pranë gjykatës së shkallës së parë në procesverbal të dt.09.09.2011, i cili pjesërisht e ka pranuar kundërvajtjen e cila i vihet në barrë, si dhe shkresat e tjera të lëndës, andaj ka gjetur se:

